

Ugovor o javnoj nabavci usluge

Zaključen u Sarajevu, između Ugovornih strana:

Zavod za informatiku i statistiku Kantona Sarajevo, Reisa Džemaludina Čauševića broj 1, 71000 Sarajevo, kojeg zastupa direktor mr. Dino Šehović (u daljnjem tekstu: **Naručilac**)

i

QSS d.o.o. Sarajevo, Branilaca Sarajeva 20, 71000 Sarajevo, kojeg zastupa direktor Isan Selimović (u daljnjem tekstu: **Izvršilac**)

PREDMET UGOVORA

Član 1.

Predmet Ugovora o javnoj nabavci usluga (u daljnjem tekstu: Ugovor) je usluga migracije programa i podataka s postojeće serverske i mrežne infrastrukture na novu serversku i mrežnu infrastrukturu (novi Data Centar), u skladu sa tenderskom dokumentacijom, specifikacijom robe i ponudom Izvršioca, evidentiranu pod brojem: 26-11-19848, koja čini sastavni dio ovog Ugovora u skladu sa važećim tehničkim propisima, normativima i obaveznim standardima koji važe za nabavku i isporuku ovih vrsta roba.

CIJENA

Član 2.

Cijena po ovom Ugovoru za predmet Ugovora iz člana 1. iznosi:

Ukupna cijena bez PDV-a: 14.000,00 KM

PDV: 2.380,00 KM

Ukupna cijena s PDV-om: 16.380,00 KM

Slovima: šesnaesthiljadatristoosamdeset KM

NAČIN PLAĆANJA

Član 3.

(1) Plaćanje Izvršiocu će se vršiti u roku od 30 (trideset) dana po pružanju predmetnih usluga koje su predmet ovog Ugovora, a po obostrano potpisanom zapisniku Ugovornih strana bez primjedbi, po ispostavljanju fakture od strane Izvršioca, na žiro račun Izvršioca, koji je dostavljen u ponudi,

(2) Nema avansnog plaćanja tokom trajanja ugovora.

ROKOVI

Član 4.

(1) Rok za izvršenje usluge iz člana 1. Ugovora iznosi maksimalno 30 (trideset) dana od dana obostranog potpisa Ugovora.

(2) Ukoliko Izvršilac ne izvrši uslugu u ostavljenom roku, može tražiti od Naručioca produženje roka, ukoliko je do istog došlo iz opravdanih razloga i više sile, a Naručilac ima pravo da Izvršiocu ostavi naknadni primjereni rok.

(3) Ukoliko i u naknadnom roku Izvršilac ne počne s izvršenjem pružanja usluge, Ugovor će se raskinuti jednostranom izjavom volje Naručioca koji zadržava pravo da u tom slučaju zatraži naknadu štete.

(4) Rokovi iz ovog člana mogu se produžiti samo u slučaju više sile i promijenjenih okolnosti i to za onoliko dana koliko traju okolnosti koje su dovele do istih, kao i u slučaju da Izvršilac ne izvrši svoje obaveze u ugovorenom roku, za onoliko dana koliko je potrebno za ispunjenje tih obaveza.

ADP

(5) Izvršilac je dužan da zahtjev za produženje roka podnese Naručiocu, čim sazna za razlog zbog koga se rok može produžiti.

(6) Ukoliko Izvršilac svojom krivicom ne izvrši sve usluge u roku utvrđenom u ovom članu, dužan je platiti Naručiocu ugovornu kaznu u visini 0,5% od ugovorene cijene za svaki dan zakašnjenja, s tim da ukupan iznos kazne ne može preći 10% od ugovorene cijene.

(7) Ako slučaj više sile spriječi, potpuno ili djelimično izvršenje obaveza po ovom Ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu Ugovornu stranu u roku od 7 (sedam) dana od nastanka slučaja više sile.

(8) Ako se blagovremeno ne javi nastupanje slučaja više sile, Ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

(9) Pod višom silom, u smislu prethodnog stava, smatraju se vanjski i vanredni događaji koji nisu postojali u vrijeme potpisivanja ovog Ugovora, koji su nastali mimo volje Ugovornih strana, čije nastupanje i djelovanje Ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

(10) Kao slučajevi više sile smatraju se sljedeći događaji: rat i ratna djelovanja, pobuna, mobilizacija, štrajk u Ugovornim stranama, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

(11) Za vrijeme trajanja više sile, obaveze Ugovornih strana po ovom Ugovoru miruju, ne primjenjuju se odredbe o ugovornoj kazni, s tim da se rok za izvršenje obaveza Ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

(12) Ukoliko slučaj više sile bude trajao duže od 30 (trideset) dana, Ugovorne strane će se sporazumjeti o daljnjoj sudbini ovog Ugovora.

(13) Ukoliko se Ugovorne strane ne sporazumiju o sudbini Ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu Ugovornu stranu.

NADZOR I PRIMOPREDAJA

Član 5.

(1) Prije početka izvršenja usluge, Izvršilac je dužan da na poziv Naručioca pismenim putem dostavi ime/imena odgovornog/ih lica Izvršioca koja će vršiti ugovorene usluge.

(2) Naručilac je obavezan Izvršiocu dostaviti pisanim putem imena stručnih lica koja su zadužena i ovlaštena za kontrolu kvaliteta i kvantiteta izvršene usluge.

(3) Datum pružanja usluge je datum potpisivanja zapisnika o prijemu usluge, nakon provjere kompletnosti i funkcionalnosti koju treba da izvrši Komisija Naručioca, na lokaciji Naručioca, uz prisustvo ovlaštenih predstavnika Izvršioca.

(4) Komisija je obavezna da počne sa radom odmah nakon obavještenja Izvršioca da je usluga spremna za primopredaju.

(5) Po završetku pregleda izvršenih radova i primopredaje dokumentacije izvedenog stanja, Komisija je obavezna da sačini zapisnik koji potpisuju i ovjeravaju predstavnici Ugovornih strana.

(6) Ugovorne strane su dužne sačiniti zapisnik o završetku ugovorenog posla i konačnom obračunu.

GARANCIJA ZA UREDNO IZVRŠENJE UGOVORA

Član 6.

(1) Naručilac zahtijeva garanciju za uredno izvršenje ugovora.

(2) Iznos garancije za uredno izvršenje ugovora je 10% od ukupne vrijednosti Ugovora.

(3) Izvršilac je obavezan da dostavi garanciju za uredno izvršenje ugovora u obliku mjenice i mjenične izjave, u iznosu od 10% od ukupne vrijednosti ugovora, sa klauzulom plativo na prvi pisani poziv Naručioca i bez prava prigovora, sa rokom važnosti: rok izvršenja ugovornih obaveza +30 dana.

(4) Mjenica se dostavlja u originalu, s potpisom i pečatom ponudaca i ne smije biti ni na koji način oštećena.

(5) Garancija za uredno izvršenje ugovora se predaje Naručiocu u roku od 10 (deset) dana od dana potpisa ugovora od strane Naručioca.

(6) U slučaju da Izvršilac ne dostavi garanciju za uredno izvršenje ugovora u skladu s odredbama Ugovora, zaključeni ugovor se smatra apsolutno ništavnim.

(7) Ukoliko Izvršilac ne izvršava ugovorom predviđene obaveze, Naručilac zadržava pravo na naplatu garancije za uredno izvršenje ugovora u punom iznosu.

OBAVEZE IZVRŠIOCA

Član 7.

Pored obaveza koje proističu iz ostalih odredaba ovog Ugovora i važećih propisa, Izvršilac je posebno obavezan i odgovoran:

1. da migracija kritičnih servisa bude izvršena van radnog vremena, od 16:30 sati radnim danima ili vikendom;
2. dostaviti dokumentaciju izvedenog stanja;
3. da izvršenje usluge navedene u članu 1. ovog Ugovora, izvede u svemu prema važećim propisima, kao i da obezbijedi dokaze o kvalitetu izvršenih usluga;
4. da pismeno odredi odgovorno lice koje će vršiti pružanje usluge;
5. da pismeno obavijesti Naručioca o završetku pružanja usluge kako bi Naručilac u predviđenom roku organizovao internu zapisničku primopredaju.

OBAVEZE NARUČIOCA

Član 8.

Naručilac je obavezan:

1. da u utvrđenom roku uvede Izvršioca u posao i ispuni svoje obaveze koje podrazumijevaju uvođenje u posao;
2. da osigura plaćanje ugovorene cijene na način utvrđen u članu 3. ovog Ugovora;
3. da osigura blagovremenu internu zapisničku primopredaju izvršenja usluge.

RASKID UGOVORA

Član 9.

(1) Ugovorne strane su saglasne da Naručilac može jednostrano raskinuti ovaj Ugovor i zadržati pravo na naknadu štete zbog raskidanja Ugovora i u sljedećim slučajevima:

1. ako Izvršilac kasni s izvršenjem usluge;
2. ako kvaliteta i kvantiteta izvršenih usluga ne odgovara ugovorenim;
3. ako Izvršilac dođe u situaciju da ne može izvršiti ugovorenu uslugu (stečaj, likvidacija i sl.).

(2) Obavještenje o jednostranom raskidu Ugovora mora se dostaviti drugoj Ugovornoj strani isključivo u pismenom obliku uz obavezno navođenje osnova za raskid Ugovora.

ZAVRŠNE ODREDBE

Član 10.

Za sve što nije predviđeno ovim Ugovorom, primjenjuju se odredbe važećeg Zakona o obligacionim odnosima i drugih pravnih propisa iz predmetne oblasti.

Član 11.

Izmjene i dopune ovog Ugovora mogu se vršiti isključivo u formi aneksa uz pismenu saglasnost obje Ugovorne strane.

Handwritten mark

Član 12.

Sve eventualne sporove Ugovorne strane će pokušati riješiti sporazumno, u duhu dobrih poslovnih odnosa, a u slučaju nepostizanja sporazuma, nadležan je sud u Sarajevu.

Član 13.

Izvršilac nema pravo zapošljavati, u svrhu izvršenja Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje šest mjeseci po zaključenju ugovora, odnosno od početka realizacije ugovora.

Član 14.

Ovaj Ugovor stupa na snagu danom potpisivanja od strane ovlaštenih predstavnika Ugovornih strana.

Član 15.

Sastavni dio ovog Ugovora čini ponuda Izvršioca, sa tehničkom specifikacijom.

Član 16.

Ovaj Ugovor je sačinjen u 4 (četiri) istovjetna primjerka od kojih svaka Ugovorna strana zadržava po 2 (dva) primjerka.

Broj: 2906
Sarajevo, 29.06.2020. godine

QSS d.o.o. Sarajevo
Datum: 29.06.2020
Br. protokola: 89/20



Broj: 2611-13813-4/20
Sarajevo, 25.06.2020. godine

Devo